



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0022111 22

Sarajevo, 30.10.2023. godine

SUDU BOSNE I HERCEGOVINE

Sudiji za prethodno saslušanje

Na broj: [REDACTED]

SARAJEVO

Na osnovu člana 35. st. 2. tačka i), čl. 226. stav 1. i člana 227. stav 1. ZKP-a BiH,
podizem:

OPTUŽNICU

PROTIV:

STEFANA KIĆANOVIĆA, [REDACTED]

[REDACTED] rođenog [REDACTED] 1997. godine u Subotici, Republika Srbija, [REDACTED]

[REDACTED] državljanina Bosne i Hercegovine i Republike Srbije, [REDACTED]

Zbog postojanja osnovane sumnje da je:

I. STEFAN KIĆANOVIĆ, u svojstvu vlasnika i direktora-odgovornog lica i lica ovlaštenog za zastupanje pravnog lica „Elda“ d.o.o. Bijeljina, bez ograničenja ovlaštenja, u namjeri izbjegavanja plaćanja davanja propisanih zakonodavstvom BiH-poreza na dodatu vrijednost, upravljao poslovanjem pravnog lica „Elda“ d.o.o. Bijeljina, tako što je:

1-1: u ime, za račun i korist tog pravnog lica ostvario oporezivi promet u ukupnom iznosu od 1.321.675,39 KM, koji iznos je propustio evidentirati u poslovnim knjigama pravnog lica uključujući knjigu izlaznih faktura, odnosno dao je lažne podatke o svojim stečenim oporezivim prihodima, tako što nije ostvarenu realizaciju zaliha dobara u navedenom iznosu evidentirao na odgovarajućem kontu pravnog lica (██████████ - roba u veleprodaji broj 1), što je utvrđeno od strane inspektora UINO BiH tokom poreske kontrole PDV obveznika, kada je na dane 28. i 29.12.2021. godine popisno utvrđeno stanje zaliha vrijednosti 325.555,30 KM, dok je knjigovodstveno stanje zaliha (po lager listi) iznosilo 1.647.230,69 KM, pri čemu iznos od 1.321.675,39 KM predstavlja vrijednost utvrđenog manjka-neprikazane realizacije zaliha dobara, te je Stefan Kićanović navedeni promet i pripadajući izlazni PDV u iznosu od 224.685,00 KM i prihod po istom prometu propustio prikazati, obračunati i prijaviti Upravi za indirektno oporezivanje putem mjesečne PDV prijave za avgust 2021. godine, kada je nastala PDV obaveza, čime je nezakonito i neosnovano umanjio svoju poreznu (PDV) obavezu, te izbjegao, suprotno odredbama članova 5., 38. i 39. Zakona o PDV-u i člana 11. Pravilnika o primjeni Zakona o PDV-u, prikazivanje, obračun, prijavu i plaćanje izlaznog PDV-a u iznosu od 224.685,00 KM, u kojem iznosu je oštetio Budžet BiH,

1-2: u ime, za račun i korist tog pravnog lica ostvario oporezivi promet u ukupnom iznosu od 325.555,30 KM, koji iznos je propustio evidentirati u poslovnim knjigama pravnog lica uključujući knjigu izlaznih faktura, odnosno dao je lažne podatke o svojim stečenim oporezivim prihodima, tako što nije ostvarenu realizaciju zaliha dobara u navedenom iznosu evidentirao na odgovarajućem kontu pravnog lica (██████████ - roba u veleprodaji broj 1), što je utvrđeno od strane inspektora UINO BiH tokom poreske kontrole PDV obveznika, kada je na dan 19.07.2022. godine popisno utvrđeno stanje zaliha vrijednosti 0 KM (magacin veleprodaje / skladište: 1-veleprodaja) dok je knjigovodstveno stanje zaliha iznosilo 325.555,30 KM pri čemu iznos od 325.555,30

*KM predstavlja vrijednost utvrđenog manjka-neprikazane realizacije zaliha dobara, te je Stefan Kićanović navedeni promet i pripadajući izlazni PDV u iznosu od **19.370,00 KM** i prihod po istom prometu propustio prikazati, obračunati i prijaviti Upravi za indirektno oporezivanje putem mjesečne PDV prijave za maj 2022. godine, kada je nastala PDV obaveza, čime je nezakonito i neosnovano umanjio svoju poreznu (PDV) obavezu, te izbjegao, suprotno odredbama članova 5., 38. i 39. Zakona o PDV-u i člana 11. Pravilnika o primjeni Zakona o PDV-u, prikazivanje, obračun, prijavu i plaćanje izlaznog PDV-a u iznosu od 19.370,00 KM, u kojem iznosu je oštetio Budžet BiH,*

*na koji je način Stefan Kićanović, radnjama opisanim pod tačkama 1-1 i 1-2 ukupno oštetio Budžet BiH u iznosu od **244.055,00 KM**.*

***Dakle, Stefan Kićanović**, u svojstvu osnivača-vlasnika i direktora bez ograničenja ovlaštenja-lica ovlaštenog za zastupanje pravne osobe „Elda“ d.o.o. Bijeljina, izbjegao je platiti davanja propisana poreznim zakonodavstvom Bosne i Hercegovine pružanjem lažnih podataka o činjenicama koje su od uticaja na utvrđivanje iznosa obaveza za obračunske periode avgust 2021. godine i maj 2022. godine, pri čemu iznos poreza čije se plaćanje izbjegava prelazi iznos od **200.000,00 KM**.*

***Čime je**, svim gore opisanim radnjama, Kićanović Stefan počinio krivično djelo Porezne utaje ili prevare iz člana 210. stav 4. u vezi sa stavom 1., sve u vezi sa članom 54. Krivičnog zakona BiH („Službeni glasnik BiH“, broj: 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15, 35/18, 46/21).*

TUŽILAŠTVA - TUŽITELJSTVA BiH